



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Indvstria Spiritvalis**

**Spee, Friedrich von**

**Coloniæ Agrippinæ, Anno M.DC.XXXIX.**

Oratio ante Confeßionem Sacramentalem.

**urn:nbn:de:hbz:466:1-43756**

45  
tua, quibus respexisti Mariam Mag-  
dalenam in conuiuio, Petrum in  
atrio, & Latronem in crucis patibu-  
lo, da mihi veram recognitionem &  
dolorem pro peccatis meis, recipe  
me in Paradisum gratiæ tuæ, & laua  
me in tuo sanguine, vt tecum vi-  
uere possim in sæcula sæculorum,  
Amen.

*Oratio ante Confessionem Sacra-  
mentalem.*

**S**uscipe confessionem meam pijs-  
sime ac clementissime Domine  
Iesu Christe vnica spes salutis ani-  
mæ meæ, & da mihi obsecro contri-  
tionem cordis, & lacrymas oculis  
meis, vt defleam diebus ac noctibus  
omnes negligentias meas, cum hu-  
militate & puritate cordis. Appro-  
pinquet oratio mea in conspectu  
tuo Domine. Si iratus fueris contra  
me quem adiutorem quæram? quis  
miserebitur iniquitatibus meis? Me-

F 3           mento



mento mei Domine, qui i Chana-  
næam & Publicanum vocasti ad pœ-  
nitentiam & Petrum lacrymantem  
suscepisti, Domine Deus, suscipe  
preces meas. Saluator mundi, Iesu  
bone: qui te crucis morti dedisti, vt  
peccatores saluos faceres, respice me  
miserum peccatorem, inuocantem  
nomen tuum; & noli sic attendere  
malum meum, vt obliuiscaris bo-  
num tuum, & si commisi vnde me  
damnare potes: tu non amisisti, vn-  
de saluare soles. Parce ergo mihi, qui  
es Saluator meus, & miserere pecca-  
trici animæ meæ. Solue vincula eius,  
sana vulnera. Domine Iesu, te desi-  
dero, te quæro, te volo: ostende mi-  
hi faciem tuam, & saluus ero. Emit-  
te igitur pijssime Domine, meritis  
purissimæ & immaculatæ semper  
Virginis Mariæ, & sanctorum tuo-  
rum, lucem tuam, & veritatem tuam  
in animam meam quæ omnes de-  
fectus meos in veritate mihi osten-  
dat,



46  
dat, quos confiteri me oportet, atq;  
iuuet, & doceat ipsos plenè, & con-  
trito corde explicare. Qui viuis &  
regnas &c.

*Oratio post Confessionem.*

**S**It tibi Domine obsecro meritis  
B. Mariæ semper Virginis gene-  
tricis tuæ Mariæ & omnium San-  
ctorum grata & accepta ista confes-  
sio mea: Et quicquid mihi defecit  
nunc, & alias de sufficientia Contri-  
tionis, de puritate & integritate  
confessionis, suppleat pietas, & mi-  
sericordia tua, & secundum illam  
digneris me habere plenius & per-  
fectius absolutum in cælo. Qui vi-  
uis & regnas &c.

*Oratio de nomine Iesu.*

**O** Bone Iesu, O pijsimè Iesu,  
O dulcissime Iesu, O Iesu fili  
Mariæ Virginis plene misericordia  
& pietate. O dulcis Iesu, secundum  
F 4 magnam